

Bertsoaren mintzoa ♦

Goierritarrak eta Gurrutxaga ikasle finenak

Goierriko taldeak eta oriotarrak irabazi zituzten Gipuzkoako Eskolarteko Bertsolari Txapelketak

Jon Abril / Amasa

■ **Iñaki Gurrutxaga oriotarrak irabazi zuen ortziralean Amasan jokaturako Gipuzkoako Eskolarteko Txapelketa. Zortzi bertsolarien artean oriotarra erregularrena izan zen, eta Iñigo Izagirre Itziarko gaztea izan zen bigarren. Biek ordezkaturako dute Gipuzkoa Euskal Herriko sariketan. Ttikietan, berriz, Goierriko taldeak jantzi zuen txapela, bigarrenkoz jarraian. Aitzol Munduate goierritarrak eta Beñat Gaztelumendi antiguatarrak ordezkaturako dute ttikien mailan Gipuzkoa.**



Iñaki Gurrutxaga oriotarrak jantzi zuen txapela Amasan.

ESKOLARTEKO txapelketa-ko ohiko giroa bizi izan zen ortziralean ere Amasako pilotalekuan: gazte anitz, animo beroak, eta Gipuzkoako bertsolartezako aurpegi ezagun ugari. Ia hiru ordu iraun zuen finalak, baina bi zatitan banatua izatean ez zen hain luze egin.

Saioa ttikienekin hasi zen. Lau talde zeuden sailkatuak finalerako, guttienez hiru kidekoak: Antigua, Goierri, Oiarzun eta Oñati. Oiarzuarrek ez bertze guztiek launa kide aurkeztu zituzten: Antiguako taldea Imanol Lizarazuk, Ane Aranburuk, Beñat Gaztelumendik eta Itsaso Areizagak osatu zuten; Goierrikoa Iban Urdangarinek, Oier Zurutuzak, Aitzol Munduatek eta Haitz Aierbek. Oiarzungo taldean Aingeru Inziarte, Iker Aranburu eta Xabi Galdos aritu ziren, eta Oñatikoan Mirari Sagarzazu, Iker Jimenez, Andoni Goitia eta Xabi Pascual. Saioaren gorabeherak ikusita, argi zegoen Goierriko taldeak irabaziko zuela, batez ere bertzeen aldean erregularitasuna erakutsi zutelako.

Herri bakoitzetik bina ordezkari ateratu ziren lehenbizi, eta lau oinak emanda bertso bana osatu behar izan zuten. Goierriko Iban Urdangarinek kantaturako bertsoa izan zen sail horretan politenetakoa. Bertsoa prestatzeko hartutako denbora hobekien neurtu zutenak, aldiz, oiarzuarrek izan ziren. Herri bakoitzetik bertze bi ordezkari gai bati bi bertso kantatu behar zizkioten. Gaiak,

oro har, onak eta aproposak izan ziren, baina oñatiarrek, adibidez, komeria franko izan zuten maiatzaren 2leko greba hizpide eman zietenengan.

Gurrutxaga handietan

Hamalau urte bitarteko hamabortz bertsolarietxe euren lana amaitutakoan, handien txanda iritsi zen. Zortzi bertsolari lehiatu ziren: Beasaingo Iñaki Apala-

tegi, Legazpiko Nerea Elustondo, Orioko Iñaki Gurrutxaga, Zumaiako Gorka Iribar, Iñigo Izagirre itziartarra, Beñat Lizaso azpeitiarra, Jon Martin oiarzuarra eta Joseba Otaegi zizurkildarra.

Haiek ere, gaztetxoena bezala, Andoni Egañaren aginduetara aritu ziren. Lau oinekin bertso bana osatu behar izan zuten lehenik, eta ondoren ofiziotan bina bertso kantatu behar zituzten. Iñaki Apalategi patxadatsu azaldu

zen, eta bertso politik egin zituen Nerea Elustondorekin batera. Legazpiko neskak, faborito txartela jantzi ziotela ohartarazi zuen, baina lehia gogorra izan zen zela ere bai. Eta hala gertatu zen hondarretarako. Ofiziotako saioan, Iñaki Gurrutxagak eta Gorka Iribarrek saiorik bizienetakoa egin zuten, eta Iñaki Gurrutxagak faboritoen lehian sartzeko prest zegoela erakutsi zuen. Beñat Lizasok, aitzitik, nerbio gehiago agertu zituen, eta oinak emanda bertsoak ihes egin zion. Bertsoarekin batera, baita txapelak ere. Berekin kantuan aritu zen Iñigo Izagirrek, batere hutsik egin gabe, ideia onak eskaini zituen bertsoetan, eta horrek saioa arindu zuen.

Jon Martinek azkartasuna erakutsi zuen, eta doinu polita hautatu zuen lau oinekin kantatzeko. Joseba Otaegi ofizioko lanean aritu zen hobekien.

Ondoren bakarka aritu ziren, puntuari erantzunez eta gai bati bertso bat kantatuz. Iñaki Gurrutxaga izan zen abilena lan horretan: agudo kantatu zuen, puntuari berehala erantzun zion eta arrazoiz jantzi zituen bertsoak. Horrekin faboritoen artean sartu zen Gurrutxaga, eta Jon Martinek gaiarekin kantaturakoan egindako hutsak errazago utzi zion bidea.

Hala ere, Iñigo Izagirre ere gertu izan zuen. Biek ordezkaturako dute Gipuzkoa Euskal Herriko txapelketan.

Idatzizkoak ere bai

■ **BAT-BATEKO** bertsoez gain, idatzizko txapelketako sariak ere banatu ziren. Nafarroan, berriz, aurtun idatzizkoena bakarrik egin da, eta pasa den astean partitu zituzten sariak, Iruñean. Gipuzkoan, Lehen Hezuntzako bigarren zikloan Ander Izagirre Zarauzko Salbatore Mitxelena ikastolako gazteak irabazi zuen bertso idatzietan. 3. zikloan Beñat Gaztelumendi izan zen garraile, bat-batekoan ere aritutakoa. Añorgako kideak aipamen berezia jaso zuen gero ere bat-bateko sari banaketan. DBHko ikasleen artean, lehen zikloan Aitzol Munduate Beasaingo Loizabazpe eskolako ordezkariak jaso zuen saria. Bat-batekoan ere jantzi zuen txapela, Goierriko taldearekin. 2. zikloko eta DBHko ikasleen artean, Jon Martin oiar-

tzuarrentzat izan zen sari nagusia.

Nafarroan, bertsalde, LHko 2. zikloan, Izai Bujanda San Fermin ikastolako ikasleak irabazi zuen. 3. zikloan, berriz, Joanes Ceballos leitzarra gailendu zen. DBHn, Aiora Calderonek jaso zuen 1 eta 2. mailakoen artean (Etxarri-Aranazko Andra Mari ikastolako), eta Celia Ordoki Berako Labiaga Ikastolako ikasleak 3 eta 4. mailakoen artekoa.

Nafarroan ekainaren 5ean egingen dute, Murugarrenen, Euskal Herriko eskolarteko sariketarako sailkapena. Sei bertsolari ariko dira, 3 bertso eskolatak: 3 Bortzirietatik, 2 Sakanaetik eta bat Goizuetatik. Araban eta Bizkaian ere hurrengo asteetan egingen dituzte kanporaketak.

saioak

• Ostirala, 4

ZALDIBAR

Bertso afaria Goierriko auzo etxean, 21:30etan

Sebastian Lizaso, Andoni Egaña

ARRASATE

Bertso afaria Alkartu elkartearen

Jon Sarasua, Andoni Egaña

PLENTZIA

Institutuan, 13:00etan

Ibon Iza, Peru Aranburu, Alaitz Areitio, Joseba Gojenola

Gaijartzailea: Aitzol de Kastro

• Larunbata, 5

MURUGARREN

Nafarroako Eskolarteko Txapelketa, Aldaiondo jatetxean, 11:30etan

Erika Lagoma, Xabier Terreros, Ekiñe Etxepeteleku, Hodei Lujanbio, Joseba Beltza, Eneko Lazkoz

MEÑAKA

Plazan, 21:00etan

Unai Iturriaga, Xabier Amuriza

DONOSTIA

Bertso afaria Kresala elkartearen, 21:00etan

Mañukorta, Juxux Mari Irazu

KANBO

Xalbador kolegioan, 16:00etan

Sustrai Kolina, Xumai Murua, Amets Arzallus, Miren Artetxe

Gaijartzailea: Aitor Sarasua

HENDAIA

Sagardo Egunean, 18:30etan

Amets Arzallus, Miren Artetxe, Xumai Murua, Sustrai Kolina

OIARTZUN

Artaso elkartearen, 20:30etan

Joxe Agirre, Imanol Lazkano

AZKOITIA

Bertso afaria Napi tabernan, 21:00etan

Nerea Elustondo, Nahikari Gabilondo

• Igandea, 6

(ATTOLA) AZKOITIA

Egurdian eta bazkalostean

Andoni Egaña, Sebastian Lizaso

ANDOAIN

Haurren Egunean, 11:00etan

Bertso eskolako haurrak

INTXAURRONDO (DONOSTIA)

Bertso afaria Aste Gastronomikoan

Sebastian Lizaso, Andoni Egaña

AIZARNAZABAL

Jubilatu bazkarian

Iñaki Murua, Mikel Mendizabal

AZKOITIA

Balkoitik Balkoira, Plaza berrian, 12:00etan

Anjel Larrañaga, Joxe Lizaso